



საქართველოს იუსტიციის სამინისტროს
საჯარო სამართლის იურიდიული პირი
საქართველოს ეროვნული არქივი

გამარტივებული ელექტრონული ტენდერის საშუალებით
სსიპ საქართველოს ეროვნული არქივის, ხაშურის რეგიონული არქივის შენობის
დასრულების სამუშაოების შესყიდვის სატენდერო დოკუმენტაცია

(CPV – 45400000)

წინამდებარე სატენდერო დოკუმენტაცია შედგენილია „სახელმწიფო

შესყიდვების შესახებ“ საქართველოს კანონის 12¹ მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

2016წ.

1. ტექნიკური დავალება:

1.1 შესყიდვის ობიექტია: სსიპ საქართველოს ეროვნული არქივის, ხაშურის რეგიონული არქივის შენობის (მის: ქ. ხაშური, იმერეთის ქ. N6) დასრულების სამუშაოების შესყიდვა (CPV-45400000).

1.2. შესყიდვის ობიექტის მოცულობა და ტექნიკური პარამეტრები განისაზღვრება სატენდერო დოკუმენტაციის „შესასრულებელი სამუშაოების ხარჯთაღრიცხვების“- დანართი №2, დანართი N3 და დანართი N4-ში გათვალისწინებული მაჩვენებლების შესაბამისად.

1.3 სამუშაოების შესრულებისას გამოსაყენებელი მასალები და მათი მახასიათებლები უნდა შეთანხმდეს შემსყიდველთან.

შენიშვნა: დაინტერესებულ პირებს შეუძლიათ ადგილზე გაეცნონ არსებულ ვითარებას.

2. მიწოდების ადგილი, ვადები და პირობები:

2.1 სამუშაოების შესრულების ადგილია: სსიპ საქართველოს ეროვნული არქივის ხაშურის რეგიონული არქივის შენობა, მისამართი: ხაშური, იმერეთის ქ. N6.

2.2 სამუშაოები უნდა დაიწყოს ხელშეკრულების გაფორმებიდან და დასრულდეს არაუგვიანეს 45 (ორმოცდახუთი) კალენდარული დღის ვადაში.

2.3 მიმწოდებელმა საკუთარი ხარჯებით უნდა უზრუნველყოს სამუშაო ფართის დასუფთავება, ნარჩენების, ნაგვის მოგროვება და ტერიტორიიდან გატანა სამუშაოების დასრულების შემდეგ ან/და საჭიროებისამებრ.

2.4 სამუშაოს შესრულების პროცესში გამოყენებული ყველა ტექნიკური აღჭურვილობა და ინსტრუმენტი უნდა იყოს მუშა მდგომარეობაში, მათი ექსპლუატაცია უნდა ხდებოდეს მწარმოებლის მიერ განსაზღვრული წესით. ტექნიკური აღჭურვილობის და ინსტრუმენტის ექსპლუატაციისას დაუშვებელია არაქარხნული (კუსტარული) წესით დამზადებული დეტალის ან/და სათადარიგო ნაწილის გამოყენება.

2.5 სამუშაოს შესრულების პროცესში უზრუნველყოს ხარისხისა და სამუშაოების მიმდინარეობის ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი ასევე წერილობითი რეკომენდაციების და მითითებების შესრულება.

2.6 სამუშაოს შესრულების პროცესში, მიმწოდებლის მიზეზით (მათ შორის გაუფრთხილებლობით), შემსყიდველისთვის ან/და მესამე პირისთვის მიყენებული ზიანის სრული ანაზღაურება დაეკისრება მიმწოდებელს.

2.7 სამუშაოებისას გამოყენებული ნებისმიერი მასალა ან/და მოწყობილობა უნდა შეესაბამებოდეს არსებულ საერთაშორისო სტანდარტებს. შემსყიდველი უფლებამოსილია კონკრეტულ შემთხვევებში ნებისმიერ დროს მოსთხოვოს მიმწოდებელს, ხარისხის დამადასტურებელი დოკუმენტის გონივრულ ვადაში წარმოდგენა.

2.8 მიმწოდებელმა უნდა უზრუნველყოს სამუშაოს შესრულება კანონმდებლობით დადგენილი სტანდარტებისა და წესების, ასევე წინამდებარე ხელშეკრულების პროექტით გათვალისწინებული პირობების შესაბამისად, დაიცვას უსაფრთხოების ნორმები, არ შეაფერხოს შემსყიდველის სამუშაო პროცესი.

2.9 მიმწოდებელი ვალდებულია შესასყიდი სამუშაოების დასრულების შესახებ წერილობით აცნობოს შემსყიდველს და წარმოადგინოს შესაბამისი სამუშაოს შესრულების დოკუმენტაცია - ფორმა #2.

3. სატენდერო წინადადების სავარაუდო ღირებულება

3.1 სატენდერო წინადადების საერთო და ერთეულის ფასის წარმოდგენა დასაშვებია მხოლოდ საქართველოს ეროვნულ ვალუტაში (ლარი).

3.2 სატენდერო წინადადების სავარაუდო ღირებულება შეადგენს **39126 (ოცდაცხრამეტი ათას ას ოცდაექვსი) ლარს.**

3.3 სატენდერო წინადადების ფასი მოიცავს შესყიდვის ობიექტის მიწოდებასთან დაკავშირებით მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, მათ შორის დღგ-ს.

3.4 პრეტენდენტის მიერ წარმოდგენილი სატენდერო წინადადების ფასი უნდა დაანგარიშდეს მოცემული ხარჯთაღრიცხვის ფორმის შესაბამისად, პრეტენდენტის მიერ შედგენილი ხარჯთაღრიცხვით. ამასთანავე, მიმწოდებელს უფლება აქვს წარმოდგენილ ხარჯთაღრიცხვაში შეამციროს გეგმიური დაგროვების და ზედნაღები ხარჯების ოდენობა მოქმედი კანონმდებლობის შესაბამისად;

3.5 პრეტენდენტმა სატენდერო დოკუმენტაციით გათვალისწინებული ხარჯთაღრიცხვების წარმოდგენისას უნდა იხელმძღვანელოს საქართველოს მთავრობის 2014 წლის 14 იანვრის №55 დადგენილების შესაბამისად.

4. შესრულებული სამუშაოს მიღება-ჩაბარების წესი

4.1 მიმწოდებლის მიერ ხელშეკრულებით ნაკისრი ვალდებულებების შესრულება დასტურდება მხარეთა შორის შედგენილი მიღება-ჩაბარების აქტის გაფორმების გზით. მიღება-ჩაბარების აქტის გაფორმებისათვის მიმწოდებელი ვალდებულია წარუდგინოს შემსყიდველს შესაბამისი სამუშაოს შესრულების დასადასტურებლად საჭირო ინფორმაცია (სავალდებულო საგადასახადო დოკუმენტაცია) დოკუმენტაცია - ფორმა N2.

5. ანგარიშსწორების ვადები და პირობები:

5.1 მიმწოდებელთან ანგარიშსწორება განხორციელდება უნაღდო ანგარიშსწორებით, საქართველოს ეროვნულ ვალუტაში - ლარში, მიმწოდებლის მიერ მითითებულ საბანკო ანგარიშზე.

5.5 შესყიდვის ობიექტის ღირებულების ანაზღაურება მოხდება სამუშაოების დასრულების შემდგომ, მიღება-ჩაბარების აქტის გაფორმებიდან 10 (ათი) სამუშაო დღის ვადაში.

5.6 დაფინანსების წყარო: სსიპ „საქართველოს ეროვნული არქივი“-ს 2016 წლის სახელმწიფო ბიუჯეტის ასიგნებები.

6. შესრულებული სამუშაოებისა და გამოყენებული მასალების გარანტია:

6.1 შესასყიდი სამუშაოების პროცესში გამოყენებულ მასალებსა და შესრულებულ სამუშაოზე, საგარანტიო ვადა უნდა შეადგენდეს მიღება-ჩაბარების აქტის გაფორმებიდან არანაკლებ 5 (ხუთი) წელს.

6.2 საგარანტიო პერიოდის განმავლობაში, ექსპლუატაციის პირობების დაცვის შემთხვევაში, დეფექტის ან ხარვეზის აღმოჩენისას მიმწოდებელი ვალდებულია გამოვლენილი დეფექტი გამოსწოროს შემსყიდველთან შეთანხმებულ გონივრულ ვადაში, მაგრამ არაუგვიანეს 10 (ათი) სამუშაო დღეში, თავისი ხარჯებით, შემსყიდველის მხრიდან რაიმე დანახარჯის გაწევის გარეშე.

7. პრეტენდენტის მიერ ტექნიკური დოკუმენტაციის სახით სისტემაში ასატვირთი დოკუმენტები და ინფორმაცია:

7.1 სამუშაოების განფასება, რომელიც შედგენილი უნდა იყოს სატენდერო დოკუმენტაციით განსაზღვრული დანართი N2, დანართი N3 და დანართი N4-ის ხარჯთაღრიცხვების ფორმის შესაბამისად.

7.2 რეკვიზიტები, დანართი №1-ის შესაბამისად, დოკუმენტაციაში მითითებული ფორმის და შინაარსის დაცვით.

7.3 მიმწოდებლის გამოცდილება 2014-2015 წლებში განხორციელებული ანალოგიური სამუშაოების შესრულების შესახებ. წარმოდგენილი უნდა იქნეს ხელშეკრულებები და მიღება-ჩაბარების აქტები. იმ შემთხვევაში თუ ანალოგიური გამოცდილება რეგისტრირებულია სახელმწიფო შესყიდვების სააგენტოს ერთიან ელექტრონულ სისტემაში, ხელშეკრულებებისა და მიღება-ჩაბარების აქტების წარმოდგენა სავალდებულო არ არის, მითითებულ უნდა იქნას სისტემის მიერ მინიჭებული SPA/CMR ნომერი.

8. ფასწარმოქმნის ადეკვატურობა:

„გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 2¹ პუნქტის საფუძველზე, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი **20%-ით** ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუმეტეს 2 (ორი) სამუშაო დღის ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება ექსპერტიზის დასკვნის სახით, რომელიც გაცემული უნდა იყოს სსიპ „ლევან სამხარაულის სასამართლო ექსპერტიზის ეროვნული ბიუროს“ ან/და შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ. **დასკვნაში გარკვევით უნდა იყოს მითითებული, რომ დაფიქსირებულ ფასად შესაძლებელია შესასყიდი სამუშაოების შესრულება.**

9. დამატებითი ინფორმაცია:

9.1 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს პრეტენდენტის

შესაბამისად უფლებამოსილი პირის მიერ (საჭიროების შემთხვევაში, წარმოდგენილი უნდა იქნას წარმომადგენლობაზე უფლებამოსილების დამადასტურებელი დოკუმენტი).

9.2 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

9.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

9.4 პრეტენდენტს არ აქვს უფლება წარმოადგინოს ალტერნატიული წინადადება.

9.5 დაინტერესებულ პირს აქვს შესაძლებლობა ადგილზე გაეცნოს არსებულ ვითარებას.

9.6 აღნიშნულ გამარტივებულ ელექტრონულ ტენდერში მონაწილეობით პრეტენდენტი ადასტურებს, რომ სრულად ეთანხმება ამ კონკრეტული გამარტივებული ელექტრონული ტენდერის სატენდერო განცხადებითა და სატენდერო დოკუმენტაციით მოთხოვნილ პირობებს.

9.7 დადგენილი წესის შესაბამისად, ნებისმიერ მიმწოდებელს უფლება აქვს სისტემის მოდული „კითხვა/პასუხის“ მეშვეობით მოსთხოვოს შემსყიდველ ორგანიზაციას სატენდერო განცხადებისა და სატენდერო დოკუმენტაციის დაზუსტება. შემსყიდველი ორგანიზაცია ვალდებულია ტენდერისათვის „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის წესის დამტკიცების შესახებ“ მე-2 მუხლის პირველი პუნქტის „მ“ ქვეპუნქტით გათვალისწინებული სტატუსის მინიჭებამდე გონივრულ ვადაში, მაგრამ არაუგვიანეს 2 საათისა შესაბამის ტენდერში წინადადებების მიღების დასრულებამდე, სისტემის მოდულის – „კითხვა/პასუხის“ მეშვეობით გააკეთოს შესაბამისი დაზუსტება/განმარტება, რითაც შესაძლებელია იხელმძღვანელოს ნებისმიერმა დაინტერესებულმა პირმა.

დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან: ნინო დემეტრაძე, ტელ: 238 14 25; ელ ფოსტა: ndemetradze@archives.gov.ge

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

ქ. თბილისი

--- ----- 2016 წ.

ერთის მხრივ სსიპ საქართველოს ეროვნული არქივი (შემდგომში - შემსყიდველი), წარმოდგენილი მისი გენერალური დირექტორის მოადგილის სოფიო ლონდარიძის სახით და მეორეს მხრივ -----, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, SPA_____ გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

1. გამოყენებული ტერმინების განმარტებები ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ (შემდგომში - ხელშეკრულება) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე, კვირა, თვე - კალენდარული დღე, კვირა, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ - ორგანიზაცია, რომელიც ახორციელებს სახელმწიფო შესყიდვას.
- 1.5. „მიმწოდებელი“ - პირი, რომელიც ახორციელებს სამუშაოს შესრულებას ამ ხელშეკრულების ფარგლებში.
- 1.6. „სამუშაო“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ - ხელშეკრულების პირობების შესრულების კონტროლი და ზედამხედველობა.
- 1.9. „ჩარიცხული თანხა“-მიმწოდებლის რეკვიზიტზე ჩარიცხული თანხა.

2. ხელშეკრულების საგანი

სსიპ საქართველოს ეროვნული არქივის, ხაშურის რეგიონული არქივის შენობის დასრულების სამუშაოების შესყიდვა (CPV- 45400000) სატენდერო დოკუმენტაციისა და თანდართული ხარჯთაღრიცხვის შესაბამისად.

3. ხელშეკრულების ღირებულება

3.1. ხელშეკრულების ღირებულება შეადგენს ----- (-----) ლარს.

3.2. ხელშეკრულების ღირებულება მოიცავს წინამდებარე ხელშეკრულების შესრულებასთან დაკავშირებით მიმწოდებლის მიერ გასაწევ ყველა ხარჯს, მათ შორის საქართველოს მოქმედი კანონმდებლობით დადგენილ ყველა გადასახადს.

4. მიწოდების ადგილი და ვადები

4.1. შესყიდვის ობიექტის კაპიტალური შეკეთების სამუშაოები უნდა დაიწყოს ხელშეკრულების გაფორმებიდან და დასრულდეს არაუგვიანეს 45 (ორმოცდახუთი) კალენდარული დღის ვადაში.

4.2. სამუშაოს შესრულების ადგილი: **ხაშური, სსიპ საქართველოს ეროვნული არქივის, ხაშურის რეგიონული არქივის შენობა.** მისამართი: ქ. ხაშური, იმერეთის ქ. N6.

5. მხარეთა ვალდებულებები

5.1 მიმწოდებელი ვალდებულია:

ა) მიმწოდებელმა საკუთარი ხარჯებით უნდა უზრუნველყოს სამუშაო ფართის დასუფთავება, ნარჩენების, ნაგვის მოგროვება და ტერიტორიიდან გატანა სამუშაოების დასრულების შემდეგ ან/და საჭიროებისამებრ.

ბ) სამუშაოს შესრულების პროცესში გამოყენებული ყველა ტექნიკური აღჭურვილობა და ინსტრუმენტი უნდა იყოს მუშა მდგომარეობაში, მათი ექსპლუატაცია უნდა ხდებოდეს მწარმოებლის მიერ განსაზღვრული წესით. ტექნიკური აღჭურვილობის და ინსტრუმენტის ექსპლუატაციისას დაუშვებელია არაქარხნული (კუსტარული) წესით დამზადებული დეტალის ან/და სათადარიგო ნაწილის გამოყენება.

გ) სამუშაოს შესრულების პროცესში უზრუნველყოს ხარისხისა და სამუშაოების მიმდინარეობის ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი ასევე წერილობითი რეკომენდაციების და მითითებების შესრულება.

დ) უზრუნველყოს სამუშაოს შესრულების პროცესში, მისი მიზნით (მათ შორის გაუფრთხილებლობით), შემსყიდველისთვის ან/და მესამე პირისთვის მიყენებული ზიანის სრული ანაზღაურება.

ე) სარემონტო სამუშაოებისას გამოყენებული ნებისმიერი მასალა ან/და მოწყობილობა უნდა შეესაბამებოდეს არსებულ საერთაშორისო სტანდარტებს. შემსყიდველი უფლებამოსილია კონკრეტულ შემთხვევებში ნებისმიერ დროს მოსთხოვოს მიმწოდებელს აღნიშნულის დამადასტურებელი დოკუმენტის გონივრულ ვადაში წარმოდგენა.

ვ) მიმწოდებელმა უნდა უზრუნველყოს სამუშაოს შესრულება კანონმდებლობით დადგენილი სტანდარტებისა და წესების, ასევე წინამდებარე ხელშეკრულების პირობების შესაბამისად, დაიცვას უსაფრთხოების ნორმები, არ შეაფერხოს შემსყიდველის სამუშაო პროცესი.

ზ) მიმწოდებელი ვალდებულია შესასყიდი სამუშაოების დასრულების შესახებ წერილობით აცნობოს შემსყიდველს და წარმოადგინოს შესაბამისი სამუშაოს შესრულების დოკუმენტაცია - ფორმა N2.

5.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) უზრუნველყოს მომწოდებელთან ანგარიშსწორება წინამდებარე ხელშეკრულებით დადგენილი პირობების შესაბამისად.

გ) განახორციელოს ამ ხელშეკრულებით მასზე დაკისრებული სხვა ვალდებულებები.

6. გარანტია

6.1 მიმწოდებელი მიერ წინამდებარე ხელშეკრულების საფუძველზე შესრულებული სამუშაოები უნდა შეესაბამებოდეს მოქმედ სტანდარტებს და ნორმებს.

6.2 შესასყიდი სამუშაოების პროცესში გამოყენებული მასალებსა და შესრულებულ სამუშაოებზე, საგარანტიო ვადა შეადგენს მიღება-ჩაბარების აქტის გაფორმებიდან 5 (ხუთი) წელს.

6.3 საგარანტიო პერიოდის განმავლობაში, ექსპლუატაციის პირობების დაცვის შემთხვევაში, დეფექტის ან ხარვეზის აღმოჩენისას მიმწოდებელი ვალდებულია გამოვლენილი დეფექტი გამოასწოროს შემსყიდველთან შეთანხმებულ გონივრულ ვადაში, მაგრამ არაუგვიანეს 10 (ათი) სამუშაო დღეში, თავისი ხარჯებით, შემსყიდველის მხრიდან რაიმე დანახარჯის გაწევის გარეშე.

7. ინსპექტირება

7.1. შესრულებული სამუშაოების ხარისხისა და სამუშაოების შესრულებასთან დაკავშირებული სხვა ნებისმიერი საკითხის შემოწმების მიზნით, ხელშეკრულების ინსპექტირებას განახორციელებს **სსიპ საქართველოს ეროვნული არქივის სამეურნეო და ინფრასტრუქტურის განვითარების სამსახურების წარმომადგენლები**. შემსყიდველს უფლება აქვს საკუთარი შეხედულებისამებრ ჩართოს ინსპექტირების პროცესში სხვა პირები, რომელთა ჩართვასაც ის ჩათვლის მიზანშეწონილად.

7.2. შემსყიდველ ორგანიზაციას უფლება აქვს განახორციელოს ინსპექტირება მიმწოდებლის მიერ ხელშეკრულებით ნაკისრი ვალდებულებების შესრულებაზე ხელშეკრულების მოქმედების ნებისმიერ ეტაპზე, შეუზღუდავად.

7.3. შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება წუნი, მიმწოდებელი ვალდებულია მოახდინოს რეაგირება და დაყოვნებული გამოასწოროს წუნი.

7.4. შემსყიდველი უფლებამოსილია მოითხოვოს ნებისმიერი სახის ინფორმაცია და ანგარიშების მიწოდება მიმწოდებლისაგან, რომელიც უკავშირდება სამუშაოთა მიმდინარეობას, მის ხარისხს, ან ნაკისრი სხვა ვალდებულებების ჯეროვნად შესრულებას.

7.5. მიმწოდებელი პასუხისმგებელია ინსპექტირებისა და ვალდებულებების შესრულების პროცესის კონტროლის მიზნით შემსყიდველისათვის მიწოდებული ინფორმაციისა და ანგარიშების სისწორეზე და ნამდვილობაზე.

8. სამუშაოების მიღება-ჩაბარების წესი

8.1 მიმწოდებლის მიერ ხელშეკრულებით ნაკისრი ვალდებულებების შესრულება დასტურდება მხარეთა შორის შედგენილი მიღება-ჩაბარების აქტის გაფორმების გზით. მიღება-ჩაბარების აქტის გაფორმებისათვის მიმწოდებელი ვალდებულია წარუდგინოს შემსყიდველს შესაბამისი სამუშაოს შესრულების დასადასტურებლად საჭირო ინფორმაცია (სავალდებულო საგადასახადო დოკუმენტაცია) და დოკუმენტაცია - ფორმა N2.

9. ანგარიშსწორება

9.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: 2016 წელს სახელმწიფო ბიუჯეტის დაფინანსების ფარგლებში მიღებული ასიგნებები.

9.2 შესყიდვის ობიექტის ღირებულების ანაზღაურება მოხდება სამუშაოების დასრულების შემდგომ, მიღება-ჩაბარების აქტის გაფორმებიდან და სავალდებულო საგადასახადო დოკუმენტაციის წარმოდგენიდან 10 (ათი) სამუშაო დღის ვადაში.

9.3 შემსყიდველი უფლებამოსილია, ხოლო მიმწოდებელი თანახმაა ხელშეკრულების პირობების დარღვევის გამო დაკისრებული პირგასამტეხლოს თანხა (ასეთის არსებობის შემთხვევაში), გამოქვითოს ყოველი მიღება-ჩაბარების აქტის საფუძველზე, მიმწოდებელზე გადასარიცხი თანხიდან და გადარიცხოს მიმწოდებლის სახელით სახელმწიფო ხაზინის შესაბამის სახაზინო კოდზე.

10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

11. ხელშეკრულების პირობების შეუსრულებლობა

11.1. წინამდებარე ხელშეკრულების 4.1 პუნქტით განსაზღვრული სამუშაოების შესრულების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,02%-ის ოდენობით.

11.2 წინამდებარე ხელშეკრულების 5.1 პუნქტით განსაზღვრული თითოეული მოთხოვნის შეუსრულებლობის ან დარღვევის შემთხვევაში მიმწოდებელს ეკისრება პირგასამტეხლო ყოველ ჯერზე ხელშეკრულების ღირებულების 0,02% -ის ოდენობით.

11.3 წინამდებარე ხელშეკრულების 6.3 და 7.3. პუნქტით განსაზღვრული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე წუნდებული სამუშაოს ღირებულების 0,02%-ის ოდენობით.

11.4 წინამდებარე ხელშეკრულების 9.2 პუნქტით განსაზღვრული ვადის დარღვევის შემთხვევაში, შემსყიდველს ეკისრება პირგასამტეხლო ყოველ ვადაგადაცილებულ დღეზე, ხელშეკრულების ღირებულების 0,02%-ის ოდენობით.

11.5 იმ შემთხვევაში, თუ მიმწოდებელზე დაკისრებული პირგასამტეხლო გადააჭარბებს ხელშეკრულების ღირებულების 10 %-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

11.6 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1. წინამდებარე ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია ხელშეკრულების თავდაპირველი ღირებულების არაუმეტეს 10%-სა.

12.2. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

12.3. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. დავების გადაწყვეტა

13.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

13.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

14. ხელშეკრულების შეწყვეტა

14.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე, ან წინამდებარე ხელშეკრულებით გათვალისწინებულ სხვა შემთხვევებში.

15. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2017 წლის 31 იანვრის ჩათვლით, ხოლო საგარანტიო ნაწილში ხელშეკრულების მე-6 მუხლით განსაზღვრული ვადით.

16. ფორს-მაჟორი

16.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

16.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

18. მხარეთა რეკვიზიტები

დანართი №1

რეკვიზიტები	(ივსება პრეტენდენტის მიერ)
პრეტენდენტის იურიდიული ფორმა და დასახელება:	
ხელმძღვანელის სახელი და გვარი:	
პრეტენდენტის იურიდიული ან/და ფაქტიური მისამართი:	
საიდენტიფიკაციო კოდი:	
პრეტენდენტის ტელეფონის ნომერი:	
ელ-ფოსტა:	
მომსახურე ბანკის დასახელება:	
მომსახურე ბანკის კოდი:	
ანგარიშსწორების ანგარიშის ნომერი:	

დანართი ხელმოწერილი და ბეჭედასმული (არსებობის შემთხვევაში) უნდა იყოს პრეტენდენტის შესაბამისად უფლებამოსილი პირის მიერ.

პრეტენდენტის ხელმოწერა: ----- (ხელმძღვანელი).